

**ՀԱՐՑ 4. «Յունիբանկ» ԲԲԸ Խորհրդի անդամների ընտրություն և քանակական կազմի հաստատում**

**Առաջարկություն Խորհրդի անդամների թեկնածուների վերաբերյալ**

Համաձայն «Յունիբանկ» ԲԲԸ 03.05.2023թ. Խորհրդի որոշման, Բանկի բաժնետերերի տարեկան ընդհանուր ժողովին ներկայացվում են Խորհրդի անդամների ընտրության վերաբերյալ հետևյալ առաջարկությունները՝

- Խորհրդի քանակական կազմը սահմանել յոթ հոգի,
- վերընտրել Խորհրդի անդամներ Գագիկ Զաքարյանին, Գեորգի Պիսկովին, Էդուարդ Զամանյանին, Հրահատ Արզումանյանին, Վարդան Աթայանին, Ֆիլիպ Ռենե Մարկ Դելմոտին, Խորհրդի կազմում ընդգրկել Ռուբեն Ինչիկյանին:

**Գագիկ Զաքարյան, Գեորգի Պիսկով**՝ «Յունիբանկ» ԲԲԸ բաժնետեր «Uniholding GG Limited» ընկերության լիազոր ներկայացուցիչներ (սովորական բաժնետոմսերի քանակը՝ 155.572.240 հատ, արտոնյալ բաժնետոմսերի քանակը՝ 32.010.000 հատ)

**Էդուարդ Զամանյան**՝ Բանկի բաժնետեր չի հանդիսանում

**Հրահատ Արզումանյան**՝ Բանկի բաժնետեր չի հանդիսանում

**Վարդան Աթայան**՝ Բանկի բաժնետեր (սովորական բաժնետոմսերի քանակը՝ 5.483 հատ)

**Ֆիլիպ Ռենե Մարկ Դելմոտ**՝ Բանկի բաժնետեր չի հանդիսանում

**Ռուբեն Ինչիկյան**՝ Բանկի բաժնետեր չի հանդիսանում

**ՀԱՐՑ 5. «Յունիբանկ» ԲԲԸ 2022թ. ֆինանսական արդյունքներով տարեկան շահութաբաժինների վճարման մասին որոշման ընդունում**

**Առաջարկություն շահույթի բաշխման վերաբերյալ**

Հաշվի առնելով «Յունիբանկ» ԲԲԸ 2022թ. ֆինանսական գործունեության արդյունքները՝ Բանկի 03.05.2023թ. Խորհրդի որոշմամբ բաժնետերերի ընդհանուր ժողովին առաջարկվում է.

- սովորական անվանական բաժնետոմսերի գծով տարեկան շահութաբաժիններ չվճարել, Բանկի՝ ըստ ՀՀՄՍ 4,397,025 հազ. ՀՀ դրամի չափով զուտ շահույթն ուղղել Բանկի հեռանկարային զարգացմանը, գլխավոր պահուստին հատկացնել 5%:

**ՀԱՐՑ 6. «Յունիբանկ» ԲԲԸ մասնակիցների ընդհանուր ժողովի նախապատրաստման և վարման կարգ» և «Յունիբանկ» ԲԲԸ Խորհրդի կանոնակարգ» ներքին իրավական ակտերի գնահատում**

**Վերը նշված ներքին իրավական ակտերն անփոփոխ թողնելու վերաբերյալ առաջարկություն**

«Յունիբանկ» ԲԲԸ մասնակիցների ընդհանուր ժողովի նախապատրաստման և վարման կարգ» և «Յունիբանկ» ԲԲԸ Խորհրդի կանոնակարգ» ներքին իրավական ակտերը վերահաստատվել են 24.06.2022թ. Բաժնետերերի տարեկան ընդհանուր ժողովի որոշմամբ: Հաշվի առնելով, որ «Բանկերի և բանկային գործունեության մասին» ՀՀ օրենքում, ինչպես նաև ենթաօրենսդրական ակտերում չեն կատարվել այնպիսի փոփոխություններ, որոնք կհանգեցնեին նշված իրավական ակտերը խմբագրելու անհրաժեշտության, ի հայտ չեն եկել էական անհամապատասխանություններ, 03.05.2023թ. Խորհրդի որոշմամբ առաջարկվում է նշված ներքին իրավական ակտերը թողնել անփոփոխ:

## **ՀԱՐՑ 7. <Յունիբանկ> ԲԲԸ կանոնադրությունում փոփոխությունների հաստատում:**

ՀՀ ԿԲ <Բանկերի գործունեության կարգավորումը, բանկային գործունեության հիմնական տնտեսական նորմատիվները> Կանոնակարգ 2-ում կատարված փոփոխությունների հետ կապված, որոնք մասնավորապես սահմանում են, որ բանկի էմիսիոն եկամուտը ներառվում է առաջին մակարդակի կապիտալի կազմում այն դեպքում, եթե բանկի կանոնադրությամբ նախատեսված է, որ բանկի էմիսիոն եկամուտը կարող է օգտագործվել միայն <Բանկերի և բանկային գործունեության մասին> ՀՀ օրենքի 36-րդ հոդվածի համաձայն կանոնադրական կապիտալի նվազեցման կամ բանկի անվճարունակության դեպքում կորուստները ծածկելու նպատակով կամ կարող է ուղղվել բանկի բաժնետոմսերի անվանական արժեքի ավելացմանը, առաջարկվում է Բանկի Կանոնադրության <Բանկի կանոնադրական հիմնադրամը, այլ հիմնադրամներ> 4-րդ հոդվածում ավելացնել 4.15-րդ կետը՝ հետևյալ խմբագրությամբ.

<Բանկի էմիսիոն եկամուտը կարող է օգտագործվել միայն <Բանկերի և բանկային գործունեության մասին> Հայաստանի Հանրապետության օրենքի 36-րդ հոդվածի համաձայն կանոնադրական կապիտալի նվազեցման կամ բանկի անվճարունակության դեպքում կորուստները ծածկելու նպատակով կամ կարող է ուղղվել բանկի բաժնետոմսերի անվանական արժեքի ավելացմանը:>